

- Նստեցէք, վարդապետ :
- Մենակ չեմ : Հիւր եմ բերել :
- Թող հիւրն էլ հրամմէ :
- Փոքրահասակ մի մարդ : Թուլս, գրեթէ

սեւին մօտեցող մարմին : Ճեղքուած, փայլուն աչքեր, երկայն թարթիչներով : Ոսկեզօծ ակնոցներ եւ փայլուն նայուածք : Հնդիկ :

— Դէ, խօսեցէք : Հնդկաստանից եկած հայրենակից է, իսկ ես գործ ունեմ, պիտի գընամ :

- Յտեսութիւն, վարդապետ :
- Յտեսութիւն :

Հնդիկը մէջքը ծռում է, ձեռքը համբուրում եւ այդպէս մէջքը ծռած մնում է՝ մինչեւ որ վարդապետը մեկնի :

- Նստեցէք :
- Նեղութիւն չլինի :
- Էլ ի՞նչ նեղութիւն. նստեցէք :
- Ձէ, ասում եմ, չլինի թէ... :
- Ձլինի թէ, որեւէ կերպով... :
- Ո՛չ մի կերպով :

Նստում է : Ձեռքերը ծալում ծունկերի վըրայ : Ճերմակ եղունգներ, մազոտ ձեռքեր :

- Լռում է :
- Դուք Հնդկաստանի՞ց էք գալիս :
- Այո՛ :
- Լաւ, զեղեցիկ երկիր է Հնդկաստանը, չէ՞ :

- Այո՛ :
- Լռում է :
- Գործո՞վ էք եկել :
- Լռում է :
- Գործո՞վ էք եկել :

Երկար, բիշ-բիշ նայում է ինձ : Յետոյ, յանկարծ, անհանդիստ, կարծես օգի մէջ մի ձանձի թռչիլն է նայում : Գլուխը վայր է ձըգում, հատաչում, ձեռքերը յուսահատօրէն սեղմում կրծքին, ու

- Պապազանե՛րս... :
- Ի՞նչսիքս :
- Ա՛հ, մստը, պապազա՛յք :

Յոյց է տալիս ձեղունի վրայ նկարուած թռչուններին :

- Թռչնայք բազում, գունազեղ եւ եղաւի :
- Հա՞, նկարները մասին էք խօսում... :

- Ոչ, մստը, ոչ :
- Ապա, ի՞նչ :
- Պապազաներս. պապազա՛յք եմ... կօկօներս... :

Մտածում եմ՝ մարդը խենթացել է : Նըստում եմ անկողնիս վրայ. ո՞վ է իմանում ինչ կը լինի, ինչ չի լինի... :

- Նկատում է շփոթութիւնս :
 - Պատմեմ, մստը, ասեմ ամենայն ինչ... :
- Ու նախ, ասեմ համարձակութեամբ, իտալայք ձեր՝ մարդիկ են ստոր եւ արուսաղ... :

Աթոռը մօտեցնում է : Աչքերը նետում է աչքերիս մէջ, ու շատ հեռուից սկսելով, միապաղաղ ձայնով, բոլոր մանրամասնութիւնների վրայ կանգ առնելով, ասես փաստաբանի մօտ է եկել, պատմում է :

— Երկար տարիներ աշխատել եմ : Ունէի մայր, Աստուած հոգին լուսաւորեց, չունեմ օղլչաղ : Պտոյտ եկայ Հնդկաստան, գնացի Ջափա եւ գնացի Սումատրա : Դժուարին կեանք, մստը, չարքաչ կեանք : Եւ մի օր էլ հաշիւ արի. ունէի մի քանի հարիւր փառնտ, անդլիական, դեղին ստերլիններ : Կարեցի գօտի, շարեցի մէջք. կապեցի մարմնիս վրայ, օլոնայք, մտածեցի՝ եւ հասա ի Կալկաթա : Անդ ունիմք համաշարիներ ազգի հայոց, որոնք վաճառականք եւ որոնք մեծահարուստ տղայք՝ ասեմ, ճշմարտապէս՝ բոլորովին անգլիացած ու հայոց ազգի համար եւ առաքելայց մեր սուրբ եկեղեցւոյ համար ընդմիշտ կորած : Անդ կայ մստը Ջօն, առեւտրական հմուտ եւ նա խօսի հայերէն, բայց չուզի խօսել գոեհիկ բարբառն աշխարհարար, այլ ուզէ խօսիլ զբարբար եւ, որովհետեւ դժուար է եւ չգիտէ խօսիլ զբարբար՝ խօսի անգլւոյ կամ բէնգալի : Գնացի մօտը, նստած էր ելեկտրական հովահարի մօտ եւ խիստ տաքի պատճառաւ պիտի քնէր, եթէ ես մտած չլինէի : «Բարե՛ւ, մստը Ջօն», ասացի : «Բարեւ, մստը Մալքոմ, Բարեւ» : Արթընցաւ, շատ զարմացաւ, քափքափշ արեց կօքեյ եւ խօսեցանք :

Աչքերը պղզել է. գլուխը բոլորովին մօտեցրել ինձ եւ վախում է, չլինի թէ որեւէ իր խօսքը չլսեմ կամ չհասկանամ :

- Եւ խօսեցանք : Ասացի. դու, մստը Ջօն, վաճառական եւ հմուտ եւ բազարի հետ